











1024

A x LIII

7/2

Peter Bowne


(N. S. C. S. T. C.)











66772

# PSEVDO- MEDICORVM ANATOMIA.

In qua maxima improborum et indo-  
ctorum turba sub Dio enudatur, quos aut  
subdola pietatis pelle velatos, aut insolenti  
scientiæ fumo seù fuco obductos, vel irre-  
ligio mera, vel rapax auaritia omnes  
vltiâ impudentes ad medicinæ  
praxin egit præcipites.


*Authore* PETRO BOVVNEO, olim  
Oxonienſi & Somatochristiano,  
nunc Collegii Medicorum Lon-  
dinensium Socio.




LONDINI,  
Excudebat AVG: MATHEVM.  
1624.

THE  
MEDICAL  
ARTS


OF THE  
ARTS  
OF THE  
ARTS  
OF THE  
ARTS



1855  
1855



REVERENDO VIRO,  
Domino Doctōri MONDEFORD, Col-  
legij Medicorū Londinensium Præsidi, Electis,  
Senioribus, cæterisq; eiusdem Collegii Sociis, viris  
*doctissimis, Medicis præstantissimis, Collegis suis aman-*  
*tissimis: In obseruantiaë & amoris sui testimoni-*  
*um, & se, & suam Pseudomedicorum Ana-*  
*tomiam, Carmine Hexametro enu-*  
*datam, enucleatam offert*  
Dedicatq;.

 Quod me in societatem ve-  
stram uno consensu omnes  
iampridem admisistis, unâ  
vos omnes alloquor, saluto-  
veneror, & prò vestro in  
me fauore gratias habeo, quas possū, maxi-  
mas: Quod diu vobiscum non sum conuictu-  
rus, hoc solū valetudini, quam ægrè nimis  
fero, nec sum diutius ferendo, ut tribuatis  
spero, non animo inconstanti aut fluctuanti,  
aut vestram pertæso societate, quam unice  
A 2                      amplexor,

EPISTOLA.

amplexor, cum obseruantia & officijs prosequor, & dum in viuis fuerim, (quo me cūq; rapiat tempestas, fortuna, fatum) me collegam vestrum, vestra cum venia non verebor dicere, affirmare, gloriari: æqui ut spero, boniq; consulatis hoc Poemasium, sat scio rude & indignum vestri Collegij. vestris ordinis Socio: in quo, licet proprios veræ Poesios & doctrinæ meæ defectus ostendam; & næuos illos seu verrucas celasse esset satius; plures tamen Pseudomediorum fucos dolosq; detegam, quos iam diu par fuerit propalari, & seriò iam patefactos eliminari, exterminatos prorsus aboleri. Sic vestra vigeat Societas, nomen, dignitas: quod ex animo optat & precatur

Vester,

PETRVS BOVVNEVS.

Doctori



Doctōri Fox, et Doctōri GVLSTON,  
*Amicis suis, optimè de se  
metentibus.*

**P**Rimum Officii locum vendicat obseruan-  
tia quam debemus *Senioribus*, gratitudo  
proximum, quam amicis & beneuolis. Be-  
neuolentiam ostendistis & amorem: immò  
præstitistis, magnum mihi fateor in partu certè  
& vagatu Societatis meæ: quem, si proprias re-  
spitiam vires, infirmum, mox vestris beneficen-  
tiis, validum effecistis, & constantem: annon  
gratias rependam saltem? Immò coràm omni-  
bus? Non stomachentur alii, quibus notus est  
ille fauor. Vos vero dignemini, vt hæc, quam  
vobis offero, etiam fauoris vestri afflatu, gratior  
reddatur Anatomia, & foelicioꝝ

*Vester*

PETRVS BOVVNEVS.



Doctori GVIN, Amico suo  
*veteri & probato.*

**A**Natomicam illam dissectionem, quam in manibus me habere pridianus erat sermo, nunc postridiè ad te mitto, visendam, perlegendam. Præteriere iàm anni ferè quadraginta, nondùm tamen sum oblitus, surrepta quædam mihi Carmina, in tuas incidisse manus, nobilissimis quibusdam fæminis, coràm multis exponenda: quantas in me laudes transtulit, quantum mihi præmium attulit tua candida expositio, doctior translatio, nunquam excidit è memoria. Utinàm huiuscerudis Anatomix, quam Præsidi, Collegis, tibiq; inter Collegas ex amicis antiquissimo, non minus candida fuerit censura tua & interpretatio, vt lætior multo, & si non ditior, certè fiat locupletior

*Tuus*

PETRVS BOVVNEVS.

Lectori





Lectōri Beneuolo & æquo.

**F**Orsan hanc Anatomiam Collegis oblatam meis,  
communicabunt etiam illi amicis & notis suis:  
Nec feram iniquè, modò non iniquis. Lecto-  
res cupio, amplexor Beneuolos, pauci non male-  
uoli, equos vero suspicor ut non homines: Quis  
inter homines æquus? Lectores inter non iniquus?  
Corrupti Mores, corruptæ Leges, corrupti Iudi-  
ces, ubiq; undiq; exclamantur; & ego Lectorem  
inueniam non iniquum? Hunc non laudat sed suspi-  
cit; non deperit modò sed & omnibus honorum titulis  
sublimat

Tuus

Petrus Bowneus.

Libel-



## Libellus ad Dominum.

**H**ei mihi quid faciam aut quò vadam nescio : paruus,  
Pauper, et incultus, sine velo aut veste Libellus,  
Et magnis tamen, et faustis, cultisq; ferendus,  
Traëtandusq; viris : intus versandus et extra,  
Lustrandus claris et persensendus ocellis :  
Hospes factus erit, mox vt me conspicit, Hostis :  
Hei mihi, perpetuis præstat latitare tenebris.


## Dominus ad Libellum.

**P**aruule perge tamen, nec quid vereare Libelle,  
Non loca Barbarici moris malè culta virosuè  
Antè salutatum te mittam : sed loca grata,  
Atq; viros omni candoris melle benignos  
Ibimus; hinc erimus comites, & addibimus vnà,  
Sunt mihi nota satis loca qua contingere possis,  
Hospitiumq; sui quod non fastidit amantes.

---

### Errata sic corrige.

**P**Ag. 2. lin. 18. eloquens, lege, elegans. pag. 5. lin. 3. hic Canoneſt, lege, iſte  
Canon. & lin. 12. Iunior, lege, iuuenis. lin. 13. puri, lege, puriq; lin. 23. vel, lege  
aut, lin. 27. Natibus, lege, Cluibus. pag. 6. lin. 19. ſtatim, lege, talem, lin. 21. non  
ſic olim fortes, lege, ſed fortes non ſic. pag. 7. lin. 2. Vappa ſis, lege, ſis vappa. &  
lin. 22. labia, lege, labràq; pag. 9. lin. 2. omne genus, lege, genus hoc, pag. 13. lin. 9.  
quod olim, lege, quondam vt.



# PSEVDOMEDICORVM ANATOMIA.

**B** Ella nec Arma cano, non sunt ea versibus apta  
Materies nostris : sunt nobis obuia passim  
Facta nefanda satis, scelerata atq; horrida facta:  
Quotidiè cædes cernas, & corpora humanantur,  
Humano cunctæ rigantur sanguine terræ,  
Nec morbis tamen hæc fiunt, nec viribus ensis :  
Auctores tantæ cladis, tantæq; ruinæ  
Dicere fert animus, mores & facta referre,  
Ampullas, fastus, fumos ostendere, & vndè  
Nascitur hæc rerum facies monstrosa : Deus quis,  
Vel Dæmon peperit potius, vel origo malorum  
Ambitio, vel amor lucri, vel turpis egestas,  
Altæue cognitio, siuè ignorantia cæca,  
Seu mendax pietas, cunctorum lerna malorum.  
*Nox* audet Stygius Pluto tentare, quod audet  
*Inprimis pinguis Monachus, vel Apostata Frater.*  
Pinguis Popa timens gracilis fieri, ille lupanar  
Non intrat; Fraterq; salax intrare popinam,  
Nè mora sit, non vult : geniis indulget vterq;  
Spiritus hunc agitat, caro vilis vellicat illum;  
Hic veneris stimulo, ventris magis ille coactus :  
Alter amat pulchræ faciem formamq; puellæ,  
Gallinam meliùs teneram diiudicat alter,  
Atq; oui faciem longi plus diligit albam.

*Pseudomedicorum Anatomia.*

Liber vterq; satis, cum iam sua claustra reliquit,  
*Quid primum Monachus?* ventri vt benè consulat, omnes  
Scire cibos cupit, & varios distinguere doctus  
Seligit, & potior quæ sit coctura, quibusq;  
Herbis, seminibus, nasutè & aromata sentit  
Quæis coquere & condire queat coquus optimus: inde  
Clynicus emergit: nouit *Promethea* primum  
Mactauisse bouem *Cereri*: vix approbat, atq;  
Aut vaccam, aut vitulum potiùs, saltenuè inuencam,  
Masculum & agniculum laudat cum rore marino  
Assum; & nè noceant humores, garyophillos  
Adiicit. Imbelles bellè scit quærere *Damas*,  
Cervos & lepores, & quo farcimine captos,  
Assos vè elixos, quali lardo artocreatos.  
Non fugiunt Aues illum quocunq; volantes:  
Anseris ille iecur primum (quod amauerat olim  
*Sessius*, aut *Scipio*, vel fert vt fama, *Metellus*)  
Hic amat: & carnis quia scit præstare saporem,  
*Christicolis*, ait, hæc posthac: non danda *Iudæis*.  
Nec caro *Perdicis* quia non erit esta, peribit,  
Sacra *Ioui* quondam, necnon sacrata *Latona*:  
Nec quia lasciuia est, duplici vel corde comestur,  
Sed quia ventriculum firmare & fistere fluxum  
Creditur, & rarò quia sicca in ventre putrescit.  
Inguinatorquatos etsi tardare columbos  
Nouerit, hic pinguem se mallet, quàm esse salacem,  
Pascitur & iuuenes *Pipiones*, verò *Pauonem*  
Horret, nec tanti est eloquens *Hortensius* illum  
Inferat vt mensis, vel persuaderet edendum:  
Pluris *Alexandri Magni* quia magna, valebit  
Mulcta, melancholicum nè quis iugulare *Pauonem*  
Audeat: huic *Turdus* fit gratior atq; cothunix,

Aut

*Pseudomedicorum Anatomia.*

Aut turtur, multum nutrit, sic *Auerrohoris* inquit.  
Atq; modum præter quia diligit ostrea, caneros,  
Lampretas, mullos, Troctas; quia Carpio cordi est,  
Suavis odor, suavis gustus, sua quæq; colorem  
Excrementa ferunt *auratam*, & vescitur *auro*  
Vt referunt, ergo stagni fluviiq; marisq;  
Piscatur pisces, benè scit quoscunq; palato  
Vt gratum faciat: cupit omnes scire liquores  
Præter aquam: tamen hanc, quia magni dicitur usus  
Extremis audet tantum gustare labellis:  
Quod satis est, placidè Cereuisia guttura transit,  
At calices poscit maiores, nobilis alla,  
Sed vina ô diuina placent in viscera mitti,  
Et nisi damnosè bibimus, chonchylia, rhombi  
Ilia damna ferunt, nisi turgent ilia vino:  
Credas Vibidio, vel cæcus credat *Homero*,  
*οἶνος* enim Græcis ἀπο τῆς οἴνου σίτος inquit,  
Alba rubris, antiqua nouis, & dulcia acerbis  
Non operæ illius precium est distinguere: vires  
Ille inuestigat: cum vino vt pabula profint.  
Vtq; nocent, parochi nasum nec tingere possint,  
Vt Nasidieni: si sumpta vt regula monstrat,  
Quandò, quid, & post quod, quid cum quo, quomodo  
Iurares *Catij* longè superare *Magistrum*. (quantum.  
His gradibus tandem sibi nactus *Apollinis* artem,  
Nescio quid *Monachus* foret iste moratus in antro,  
Quid uè preces possint, vel quid prodesse *Cucullus*.  
Altera doctrina est, sic fiat & altera vestis:  
Non prece sed pretio posthàc sibi vendere par est  
Quam studio & praxi partam sibi possidet artem.  
Fas putat omne forum posthàc spectare, lucrùmq;  
Omne bonum putat esse sua quod colligat arte.

*Pseudomedicorum Anatomia.*

Quis negat? est medicus: prima artis limina libans  
Se culmen tetigisse putat, dare pharmaca & audet.  
Sed quid *Frater* ait, cui vires corporis atq;  
Ingenii dotes fratrarunt? non sibi natus  
Sed prodesse aliis, iam protinus ergò talentum  
Omne quod inuitus sibi longo tempore claustris  
Occuluit, palàm faciat: quo numine morbos  
Perfanare valet, Medicorum turba priorum  
Quos nunquam agnouit: tantum & plorare videntur  
Præsentes Medici, nunquam curare: diæta  
Et facili, & minimo curat medicamine *Frater*.  
Ventriculi inprimis si virtus languida, seu vis  
Laxa nimis renum fuerit, seu lapsa potestas  
Corporis ex veneris, sæpè vt contingit, abusu:  
Maturate, inquit, *Phasensq;* ad *Colchidis amnem*  
Ite, atq; illic auem, licet & magni emptam, *Phasiannam*  
Ferte, facit sanum quia, vulgo dicta *Fasanum*.  
Ferte huc cuniculum, properè huc afferte caponem:  
Ista citò & facilè nutrire cibaria certum est;  
Queis si continuò tibi non videare refectus,  
Continuò possum restauratiua parare.  
Mespila, castaneas, pistacia, punica mala,  
Persica, & alterius generis cydonia, sorba,  
Cuncta parare queo quot terra, aer, omne vel æquor  
Vfibus humanis pandunt, morbisuè medendis.  
Agninos mihi ferte pedes, aut ferte caprinos,  
Aut præ aliis testes gallorum, eryngia, bulbos,  
Cætera quæ affatim nutriunt, valideq; sopitam  
Vim stimulant: sunt hec arcana, probata,  
Doctrinæq; meæ locupletes sunt mihi testes:  
Hinc mihi plaudo, grauis cùm me censura grauaret  
Siuè canon premeret iuris sine iure: Sacerdos,

*Frater*

## *Pseudomedicorum Anatomia.*

*Frater nec Monachus, nec Presbiter audeat ullus  
Dicere se medicum, nè unquam muliebria tractet.  
Impius hic Canon est, rigidus nimis & nimis arctus:  
Expungi meritò dignus: Fraternalè sororem  
Non lapsam attollat, vel non succurrat egenti?  
Nec Medicas adhibere manus permittitur ægræ?  
Hunc Canonem cupiat stultus seruare Sacerdos;  
Seruus nemo sapit, seruus timet & nihil audet:  
Presbiter effrænis, liber, quam nouerit artem,  
Mille verent Canones, tamen hanc exercet, & audet,  
Non audet Stygius Pluto tentare quod audet.  
Falleris, & tantum iunior Fraterculus audet,  
Semidij et Zelo, puri putiq; Ministri:  
Amplius hi quamuis non publica pulpita tangunt,  
Vlteriùs nec sunt animas occidere passî,  
Ex Templo: curant, si fas sit credere, morbos  
Omnigenos, omnis generis sua pharmaca præbent.  
Lurida Linigeri miscent aconita Ministri,  
Non audet Stygius Pluto tentare quod audent.  
Proxima gens istis surgit Capitaneus Audax,  
Qui vel pertæsus belli sua castra relictus,  
Vel ob commissum crimen depulsus aberrat,  
Cernere cum faciem non amplius audeat hostis,  
Aut pius in pugna nolens occidere plures  
Fit Medicus, glandes & enemata suauiâ libans  
Natibus Ægrorum, quod nec sua turpis egestas  
Neue inhians lucri, vt faceret, spes vlla coegit,  
Sed pietas animi, nolens sua dona tacere,  
Cælitùs in castris sibi missa, abscondere nolens  
Splendida sub modio sua lumina, pharmaca nempe,  
Et preciosa quibus se restituisse saluti*

*Pseudomedicorum Anatomia.*

Plures pro vero dicat, neq; credite, iactat,  
Quam quos in varia pugna dimiserat orco.  
His vulgus facile credens sua pharmaca sumit,  
Pharmaca selecte Vomitiua, Cathartica, quæq;  
Non audet Stygius Pluto tentare quod audet  
Insignis factus *Doctor, Capitaneus audax.*  
At tu Belligeri Dux & præfecte cohortis,  
Cui clypeus datur Argiuis, fortisq; videris,  
Maeste tua virtute, & famam extendere factis  
Hic labor hoc sit opus: quod si te *Castra* iuuarunt,  
Non teneant te *Claustra* domi, nec iniqua taberna.  
Quod tibi si lapsæ, vires, adimente senecta:  
Saucia difficili vel sint certamine membra:  
Nè tibi, quod nunquam docuit *Bellona*, videre  
*Artis Apollineæ Doctor*, quam nescis ineptus,  
Nescis & ignota tibi nè ampulleris in arte.  
Nam si forte *Deus Medicorum* inuiseret olim,  
Germanosq; sui natos tentaret, opinor,  
Non medicum agnoscat statim, nec *Apolline* satum,  
Ridiculè audacem sed te censebit *Agyrtam.*  
Quidnam igitur faciam iam fractus membra labore  
Dux ait? hoc dicam, quondam vt *Veianius*, arma  
*Herculis* ad postem donatus iam rude figas,  
Te quoq; post pugnas placidè in viuaria ponas:  
At nollem stabulari, inquis, nec in otia mitti,  
Sed partem in stadio nondum lassatus haberem  
Vndè vndè extricem nummos, rem, tempus ad vsq;  
Supremum, *propria fit nummus dulcis in arca.*  
Siccinè tu nummos inhians per fasq; nefasq;  
Corradas, fallens fucisq; dolisq; popellum?  
Perge, age, non sic olim fortes fecere Priores  
Quorum fama viget celebris, nomenq; per orbem.

Perge



## *Pseudomedicorum Anatomia.*

Perge, age, cùmq; pudor te non deterreat, audi,  
*Vappa* sis & *Nebulo*, tandem miser esto libenter.  
Sed quisnam est quem cerno procul! *Protes* sive *marinus*?  
An *Prothous*, græcis quondam è ductoribus vnus?  
*Plotinus*? an verò *Padalyrius*, arte medendi  
Magnus apud *Danaos*, gnarus quoniam atq; peritus?  
Cærulea iam nunc indutus veste videtur,  
Atq; humeros suprâ sunt candida lintea, dextra  
Sæpè manu pecten, sæpè & cultellus eadem,  
Sanguine fumantem mox cernere possis eundem,  
Telâq; tractantem & vibrantem spicula dextra:  
Hunc alium statim videas, seù *Papineanum*,  
Seù quendam legum Doctorem iura docentem,  
Cum quadam Venere & corpus, caput, osq; mouentem:  
Et iam fit Medicus, lotiumq; inspectat, & ægri  
Contrectat *pulsus venarum*, hypochondria, ventrem  
Molliter, & miror, si non compresserit imum.  
Summe Deus quisnam est? qualis? vel quantus? & vnde  
Venerit? Inquiram. Sua sunt insignia palam.  
Pectine quem cernis scalpit caput, atq; capillos  
Pectinat, erroneos sed forfice scindit acuta,  
Posteâ descendens ad malas, labia, mentum,  
Corrigit his crines; faciem verò irrigat omnem  
Suauiter & barbam, quam candida lintea ficcant.  
Hic labor, hoc opus est, hinc *Barbitonsor* habetur.  
Qui fit sanguineus, spurcus, foedusq; cruore?  
Horrida cur secum gerit Instrumenta? *Chirurgus*.  
Vtitur his, dum vasa aperit, loculosq; recludit  
Sanguinis atq; aliquas partes & membra coercens,  
Putrida detruncat nè corpus corruat omne.  
Hic labor, hoc opus est; hinc dicitur esse *Chirurgus*.  
Conuenit Officio nomen, debentur vtriq;

*Pseudomedicorum Anatomia.*

Proemium honosq; olim magno concessa *Chyroni*.  
Sed bona pars horum proprio vel amore superba,  
Siuè pudore carens, seu capta cupidine falsa,  
Non satis esse putat se dici posse *Chyrgos*,  
Nomina *Doctorum* nisi surripiant Medicorum,  
Affectentq; alios, quos non mereantur honores.  
Inde superciliis tractis, humerisq; retractis  
Atq; toga assumpta, prægrandi consule digna,  
Magnificè incedunt, ceistas & cornua tollunt,  
Quidni quoq; die phaleratus quisq; per urbem  
Nutu ac voce graui iubeat saluere popellum?  
Ostendatq; caput solidum? ostentetq; cerebrum,  
*Insula Cos* peperit nullum nec *Pergama* tantum?  
Non audet *Stygius Pluto* tentare, quod audet  
Hoc caput, hoc cerebrum, solo vel pondere magnum.  
Proximus his *Oculista audax*, *Vagabundus Agyrta*;  
Et qui omnes superat *cinislo Paracelsicus*, omnis  
*Empiricus*, magno qui singula spondet hiatu.  
Doctior *Hippoerate* est istorum quisq; *Galenum*  
Iudicio vulgi superat *Satrapamq; Auicennam*,  
Quos prior *Archiatros*, & dignè senserat, ætas.  
Ordine nunc medicam mulierum dicere gentem  
Inciperem, interià sed nascitur ordo nouellus,  
Ordo crucis *Rosæ*, sacer & venerabilis ordo,  
Ô nunquam dignus mergi sub fluctibus, ordo,  
*Mysticus*, & fallor nisi, miscens sacra prophanis.  
Sed fluat, & *Gangis* sese intermisceat vndis,  
Vndè olim *Antonius* numerofo tænore diues  
Abstulit, & facilè potabile finxerat aurum.  
Ille abiit, nec quicquam vltra sua pocula profint,  
Nec noceant, vtinam sua, si commisserat vlla,  
Et secum prorsùs fuerint delicta sepulta.

*Pseudomedicorum Anatomia.*

Et nunc fæmineum placet istis iungere sexum,  
Non minus audacem dare toxica, pharmaca vellem  
Dicere, namq; olim medicas exercuit artes,  
Atq; perita nimis censetur gens mulierum,  
Tempore iam abs illo quo primùm conditur orbis.  
Non domus vlla quidem est, aut saltem villa reperta,  
In qua saga, nurus vel anus, vel fæmina prompta  
Non medicas didicit vel non exercuit artes :  
Artes faciferæ docuit quas *filia noctis,*  
*Filia Tartarei Regis, quæq; imperat vnebris,*  
*Fataq; cælorum, terræq; marisq; gubernat,*  
*Multipotens Hecate,* catulis quæ terror & horror,  
Quorum atro prò more solet de sanguine pasci  
Lurida dum sacra promiscet pocula dextra :  
Granâq; tosta, meri vim; mella, coagula lactis,  
Quiq; sub his latitant furtim dulcedine succos  
Adiicit atq; viris hæc offert mista misellis,  
Qui induti facies, vultusq; & terga ferarum,  
Protinùs & sæui fiunt vrsiq; lupiq;  
Has *Hecate* Magicas & miras calluit artes,  
At non occuluit, sed plures hæc *Medicastro*  
Fecit & instruxit primùm charam sibi *Cyrceam,*  
Posteà *Medeam,* & *Suadæ* natam *Motacillam,*  
Quæ quia amata *Ioui* sacro medicamine fertur,  
Nominis illius fit *Avis Iunonis* ob iram :  
Et sua quando parant seù pharmaca, siuè venena,  
Seù quicquid posthac faciunt *Stryges* furientè,  
*Nereides Nymphæ,* mulierum, vel genus omne,  
*Ambubaiarum* Collegia, *Pharmacopole*  
Carne solent omnes præ aliis vesci *motacille.*  
Sicut & in motu semper cauda est *motacilla,*  
Sic agile ingenium est mulierum, garrula lingua,  
C Plærumq;

*Pseudomedicorum Anatomia.*

Plærumq; *absurda* est, vix vnquam foemina surda;  
à capite ad caudam prurit omne genus mulierum.  
Sentio *veneficas mulieres, & medicastras,*  
Nominis & famæ quas cura pudorq; reliquit :  
Quas *Hecate* scires doctas, *Ereboq; oriundas,*  
Quas scelus & sceleris patrandi amor occupat omnes:  
Non quas possedit pietas probitasq; *Matronas,*  
*Virgineasq; Choros* pudibundas & taciturnas,  
Quarum facta ferunt virutem, dicta pudorem,  
Vtrâq; cælestes animas, cæloq; oriundas.  
*Absit* vt has culpet *Musa,* aut perfundat aceto;  
*Absit Apostolicos* vt carpat *Musa ministros,*  
Aut verè *Puros* mea tangant *Carmina Fratres.*  
Qui se *Scripturas* dicit callere *Sacratas,*  
Nunquid ei liceat, dicat mihi, *mittere falcem*  
*In messem alterius?* Reuerendus & Ecclesiastes,  
Præco Sacer, sacri qui fundit semina verbi;  
*Christi commystes, & inunctus chrismate sacro,*  
Nunquid ei ingrato dotes & dona tacere  
Atq; gradum reprobis *Simeonis* sumere fas est?  
Qui quæcunq; volunt, faciunt, audentq; necesse est  
Hos mala, quæ nolunt, iterùmq; audire patiq; :  
Sic ratio suadet, legesq; ac iura metiri  
*Quemq; suo modulo permittunt & pede:* verum est  
Atq; vetus, *Crepidam nè vir Sutorius* ultra.  
Fortè sed obiicias, quod sæpiùs accidit, & quod  
Nuper erat nobis obiectum : *vir bonus & qui*  
*Doctus* ità vt meruit *primarius* esse Sacerdos :  
Hic mentis dubius iàm, *relligionis & ergo*  
Vtq; *Characterem,* cuiusq; pudetq; pigetq; ,  
Deleat, & patriam charam, patriosq; penates  
Deserit, vt cum iam fuerit proejectior ætas,

Doctior

*Pseudomedicorum Anatomia.*

Doctior & fieret, meliorq; & ditior, arti  
Incumbit, qua pauperiem, frigusq; famemq;  
Pellat, qua lætus multo impleat ære crumenam,  
Cùmq; animas hominum nequeat sanare monendo,  
Ægrotis liceat membris prodesse medendo.  
Hoc petit, esto, habeat modò sit satis ille peritus  
Atq; bonus medicus. Sed quì foret ille peritus?  
Iàm serió quamuis serò pro more *Catonis*  
Qui *Græcum* didicit ferè *octogenarius alpha*:  
Sic tandem in senìò medicos euoluere libros  
Incipit, & quæcunq; legit *medicamina*, primùm  
*Offert pauperibus*, nàmq; est *occafio præceps*,  
Posteà diuitibus, quorum iactura putatur  
Maior, maioris pretii medicina paratur,  
,, (Nàmq; iuuare solent meliùs quo charius empta)  
Et longam quamuis *Dictator maximus* artem  
Dixerat, ista cito & facili pede transiit omnem.  
Ars nec præceptis, nec multo est parta labore,  
Sed miro *transmissa* modo (sic fauit *Apollo*)  
*Milesio* quondam vt fertur fauisse *Thaleti*,  
Aut summo ex septem sapientum stirpe *Bianti*,  
*Quèis Tripodem è Delphis* misit; sic mensa *Tripodisq;*  
Donantur medico sine lucta aut puluere *nostro*.  
Vel, malè ni memini, tàm occulta scientia missa, et  
Tecta *Pythonis* erat corio quem cælit *Apollo*,  
Quod mensam & Tripodem *Phabi* velauerat antè.  
Ergò, *vir iste bonus*, miranda & sorte peritus,  
Quandocunq; Diis offert sua sacra precesq;  
Non Lupus, aut Porcus, nec Sus sua victima sunt,  
Nec simulachra hominum, *Tyberim* deiecta placebunt,  
Ast homines ipsi, pueri, iuuenesq; senesq;,  
*Impunè* medico quos tanto occidere fas est:  
Et redolere solent ea cuncta cadauera, tanti

*Pseudomediorum Anatomia.*

Cæsa manu medici & terræ mandata parenti.  
Victima nulla Ioni, nec Phæbo, nulla Saturno,  
Iunoni antè omnes, nec gratior vlla Diane:  
Testis Carthago est, Tellus est Taurica testis,  
Omnis & humano testatur sanguine terra  
Placari haud aliter debere Deosq; Deasq;:

*Virgil.* Sanguine placastis ventos et virgine cæsa.

Maeste ergò primùmq; tuos ornare memento  
Gemmato digitos auro, sis lautus amictu,  
Sisq; grauis vultu, semper tamen esto Cynædus,  
Et quoties ægri sit sors tua tangere pullum,  
Cernere vel lotium populo spectante, supernè  
Attollos oculos, tùm si quod fortè iuuamen  
Senserit ægrotus, facit hoc mihi magnus Apollo,  
Sis, memor vt clara resones & voce sonora.  
Cùmq; perire alios cernas medicamine sumpto,  
Causeris superos omnes & Fata, Iouisq;  
Prolem, quæ cunctos mortales læserit, Aten.  
Præcipuè caueas nè quis te labra mouentem  
Conspiciat, capiatuè canentem, Pulchra Lauerna.

*Horat.* Da mihi fallere, da iustum sanctùmq; videri,  
Noctem peccatis, & fraudibus obiice nubem.

Hæc impostorum pietas est, hæc Nebulonum  
Relligio, aucupium facta est, medicina venenum.  
Fallere nam primùm discunt, vt perdere possint:  
Et facile fallant sancta sub imagine prauæ,  
Et temerè perdunt solo qui nomine docti:  
Conspicui tamen & vultu cultûq; superbi.  
Hæc species vulgi semper perstringit ocellos,  
Sensusq; vt sensu sine sic mirentur Asellos,  
Sentiât & Cathedra Medicorum iure locandos,  
Quos fortuna simul cum vulgo cæca rependit  
Muneribus, rarò sua confert dona merenti.

Hæc

*Pseudomedicorum Anatomia.*

Hæc mecum meditari & per tractare frequenter  
Cum solus fuerim solitus : dùm deputo mecum  
Quàm sacræ leges, & quanti ponderis extant,  
Quarum ope *Carnifices, impostoresq;* dolosos  
Indoctos, prauos, *Pistrino & carcere dignos,*  
Et frænare queant facilè Collegia nostra  
Et punire omnes, patria vel pellerè saltè,  
Nec surdos videam nec cæcos sceptratenentes,  
Absit vt *ignaros censores, vel seniores*  
Dicam: sed quod olim *Silius* dicebat inanes  
Cœlos esse, Deos nullos, quia se esse beatum  
Viderat, hæc quàmuis blasphemò iterauerat ore.  
*Harpalus* & quondam quia longo tempore *Prædo*  
Vixisset, *Diuis* fertur fælicior ipsis,  
Et contrà insurgit cœlestia numina testis :  
Sic impostorum & nebulonum turba beatos  
Dum se conspiciunt, fannis & scommate tangunt  
*Archiatros,* censent nullius roboris esse  
Principibus quondam sua missa diplomata sacris,  
Leges, Iura, Statuta, Ritus, Priuilegia, Mulctas,  
Omnia contemnunt, socios, collegia nulla,  
Nullos præfectos, nullas se cernere mulctas,  
Dumq; hæc cuncta ferunt, se iactant esse beatos.  
*Summe* & sancte Deus, qui dirigis omnia, & omnes  
Scire facis rectè, medicæ sic consule genti,  
Vt perfectè artem discant, vel protinus artis  
Expertes, ægrè licet, vt fateantur honestè,  
Nè plures horum culpa mittantur ad orcum.  
Nàm quo cuiq; ægros fas est occidere plures,  
Plus sapere, & plures nummos corradere certum est :  
Quo plus nummatus, plures acquirit amicos :  
Interea medicus melior sed pauper egenq;  
Nescius aut nolens medicam cum pluribus artem

*Pseudomedicorum Anatomia.*

Sic facere, est vilis pretii, minimiq; putatur  
Iudicii, quamuis nec doctos semper egenos,  
Nec bene nummatus ideò quis dicat inertes.

Adiecere bonæ paulò plus artis Athenæ  
Scilicet vt possis curuo distinguere rectum :

*Horat.* Gemmas, marmor, ebur, Tyrrhena sigilla, tabellas,  
Argentum, vestes, Gætulo murice tinctas,  
Sunt qui non habeant, est qui non curat habere.

*Sed Bone* quò virtus tua te vocat, I pede fausto :

*I Bone* quò *Genius bonus* & curanda salutis

Te ratio moueat, nec te deterreat hostis,

*Non impostorum numerus, nec vis* : namq; antè *Platonis*

Tempora certamen tantum certauimus olim;

Vicimus : & tua spes nunquam (*ter docte Boethi*)

Fallebat, nunquam fallat : nam *turba malorum*

Atq; *indoctorum* numerosa ruitq; peritq;

*Mole sua* : periere omnes, quos duxerit error

Huc illuc *Lymphans* in perditionis abissum.

Vicimus, hoc certum est, confidite, vicimus omnes:

Et mihi nunc propriæ sola ratione salutis

Et mutare solum licet atq; inuisere coelum

Alternum, verò animum mutare, aliumuè

Quàm vestrum me esse, magis non viuere malle.

Vester semper ero docti, Iuuenesq; Senesq;

Vester ero *frater, socius, collega* : precòrq;

Vt vos ingeniis miris & dotibus artis

Estis, & antè alios, opera praxiq; beati

Sitis : sic medicæ quoq; gloria splendeat artis.

*Vos amo, vos veneror, vobis inscriuo.* Sed nunc

*Finio, vos omnes iterum saluete. Valet.*



